

科大傳說

景黑點





青蛙路

科大除咗叫 Hong Kong University of Stress and Tension，又名為 Foggy 大學。原因科大長期大霧瀰漫，霧的英文係 fog，foggy 讀音又似科技，因此就有 foggy 大學之稱。青蛙路係由北閘入 atrium 嘅必經之路，亦因落雨嘅時候有青蛙叫因而命名。



火雞

「火雞」原本只係一個紅色日晷，名為「時間之輪」，位於科大中心，但由於外形似一隻紅色火鳥，所以就被學生命名為「火雞」。慢慢這個日晷就變咗科大的象徵，為每一個到訪旅客同畢業同學拍照留念嘅必停站。



中庭 (Atrium)

於過往，無論係 soc 搞 orientation week，學校搞 careers counter，定係 Congregation (隨住逸夫演藝中心 Shaw Auditorium 嘅建成，呢個可能成為歷史)，Atrium 都係呢啲活動嘅中心。當你由 5、6 樓望落去 Atrium，仲可以見到 UST 嘅 logo。如果要等人又或者搵



蘑菇

喺火雞望向 LG 方向嘅話你會見到一個大通風位，上面半圓下面係窄小小嘅長方形，十足一個蘑菇。花名就係咁嚟喇！




天一泉

位於 LG7 外，都算係番 hall 嘅必經之路，但無人知佢到底幾時會開噴泉㗎，睇下你好唔好彩經過見到佢噴水㗎。平時都有唔少遊客、細路仔假日會去玩同影相㗎。



智慧石

智慧石原本係 Bridge Link 上其中一張石橋，俾人休息之用，但相傳科大學生只要企喺上面，一係 GPA「爆四」，入 Dean's List；一係成績大退步，Quit U...



羅馬廣場



經智慧石側邊樓梯上去，會見到一個好似鬥獸場嘅地方。當初的用意係希望為科大學生提供表演場地或用作休息嘅地方。但好可惜，因為太少機會使用，以致雜草叢生，不過坐喺度睇海景同日出真係一流。


蚊池

喺 Hall 4 正後方有一個綠色嘅水池。因為長期無人打理，成為蚊的溫床。除此之外，蚊池亦都係一個熱門跳水聖地。據傳每晚都有人跳蚊池，用以洗滌自己疲倦的身軀同心靈（咁大壓力 ...）



共振橋

連接教職員宿舍 Tower B 同埋 Academic Building Lift 29、30 嘅共振橋，最特別就係條橋實情係一個科大工程系學生嘅 Final Year Project (FYP)。份 project 俾 professor 睇中咗，之後科大就投資將佢實際咁起咗出黎啦。每當有車經過或者有人嘍橋上面跳嘅時候，橋就會震動，形成共振。



偷情小徑

相傳偷情小徑係因為夜晚會有人嘍度偷情得以命名，但 Exco 以過來人嘅經驗話你聽，嘍偷情小徑有兩件事千祈唔好做。第一，表白。第二，偷情。前者的話另一半會覺得你傻仔，後者原因為偷情小徑係連接 LSK 同 Hall 嘅捷徑，經常有人會經過。另外就係附近有好多樹，吸引啲蚊去咬人，你都唔想另一半被蚊咬啫...



地基

大家都知科大係依山而建，一直延伸去到山腳、海邊嘅 hall，所以會有 LG (lower ground)，話就話係 LG1 至 LG7，但你有無發現其實 LG2 同 LG6 係唔存在㗎？至於點解呢兩層會消失㗎，當然係一啲建築結構嘅原因，不過當中有唔少嘅傳說，想知多啲，就要搵我哋 EXCO 啦！




Conference Lodge (酒店)

科大作為擁有自己酒店嘅大學之一（其他如 CU, PolyU 同 BU），三面環海，景觀優美。雖然 UST 嘅酒店要受邀請先住得，但大家可以用入面嘅餐飲設施，得閒可以行去食下嘢或者飲杯嘢。



真 Seafront

科大嘅海旁，係一個同三五知己飲下嘢、傾下心事嘅好地方。沿著大斜路行到最尾，過左 hall 8 & 9 就到㗎啦。當你讀到心灰意冷嘅時候，不妨行落去真・seafront，攤上石墜，吹下海風，聽下海浪嘅聲音，可能會舒服好多。



後山

由 UniBar 行入去，就會到達「後山」嘅範圍。除咗本身綠草如茵，仲可以望到科大海景，同被稱為風水亭嘅幾個涼亭。



除咗上述景點，其實科大仲有好多唔同嘅都市傳說同埋神秘景點！咁多位啱啱加入科大家庭嘅 freshmen 如果知道更多，就記得要多啲搵我哋 Uni-Y Exco 吹下水啦！

